

**5 ноябрь
кuni
Республикамизда
атоқли
давлат ва
жамоат
арбоби
Шароф
РАШИДОВ
таваллудининг
75 йиллиги
тантаналари
бошланади**



ЁШ ВАТАНДОШЛАР АНЖУМАНИ

Кеча Тошкентда "Ёш ватандошлар Халқаро Анжумани" ўз ишини бошлади. Анжуманга Америка, Сирия, Саудия Арабистони, Туркия каби мамлакатлардан 100 нафардан зиёд ишбилармон ёшлар таклиф этилган. Шу сабаб улар Ўзбекистоннинг саноати, унинг тараққиёти, савдо-сотиқ ишлари билан танишиб тажриба алмашадилар. Тошкент Давлат Университети, Тошкент трактор заводи, "Совпластгаз" қўшма корхонаси, "Орзу" чарм-галантерия фабрикаси, чинни буюмлар заводи, Ўзбекистон Фанлар Академиясида бўладилар. Тошкент, Самарқанд, Бухоро шаҳарларининг қадимий обидалари ва хушманзара жойлари билан танишадилар. Ўзбекистон Ёшлар Иттифоқи ташаббуси билан ташкил этилган ушбу катта анжуман ҳақидаги хабарлар билан кейинги сонларда танишасиз.

БОЛАЛАРНИ СЕВАР ЭДИ У

Давлат ва жамоат арбоби Шароф Рашидов кичкинтой болаларни жуда яхши кўрар эди. Тез-тез мактабларда, болалар муассасаларида бўлиб, уларнинг ўқишлари, ижодий ишлари, муаммолари билан ўртоқлашарди. Мавжуд камчиликларни бартараф этишга кўмаклашарди.

Таълим соҳасига оид, мактаблардаги янгиликлар билан қизиқарди. Учрашувларда болалар ўз ҳаётларидан ташқари адиб Ш. Рашидовга унинг асарлари ҳақида ҳам саволлар беришарди. Эртага республикамизда Ш. Рашидовнинг туғилган кунига 75 йил тўлиши

муносабати билан катта тантаналар бўлиб ўтади. Шунингдек, юбилейгача ёзувчининг янги нашр этилган асарларидан кўргазма ташкил этилади. Эртага эса юбилейга ташриф буюрган меҳмонлар Ш. Рашидов биринчи бор дафн этилган майдонда — "Правда" газетаси кўчаси ва Ш.

Рашидов проспекти чорраҳасида унинг китобга нигоҳ ташлаб турган қиёфасидаги ҳайкалининг очилиш маросимида иштирок этишади. Қилинаётган барча ишлар унинг руҳини шод этгай.

Суратда: 1978 йил. Болалар Ш. Рашидовга гуллар тақдим этмоқдалар.

Р. Альбеков олган сурат.

ДИҚҚАТ! ДИҚҚАТ!

"Тонг юлдузи"га 1993 йил учун обуна бўлсангиз, газетамиз ташкил қилган "Чапақайлар конкурси" (6 октябрь) ва "Ўзбекистон — Ватаним менинг" (20 октябрь) кўрик-экспедициясида голиб бўлишнинг биринчи шартини бажарган бўласиз. Голиблар — болалар велосипеди, "Смена" фотоаппарати, осма соат ва Тошкентга уч кунлик бепул саёҳат йўлланмаси билан тақдирланадилар.

**Эслатиб ўтамиз: обуна
ноябрь ойида ҳам
давом этади.**

Бу сизга берилган катта имконият!

**ФУРСАТНИ БОЙ
БЕРМАНГ!**

Мана, яқин кунларда В. И. Ленин номидаги пионерлар ташкилоти ишининг давомчиси — Ўзбекистон Болалар ва Ўсмирлар Уюшмасини ташкил этган навбатдан ташқари XVI сёт бўлиб ўтганига ҳам бир йил бўлади. Хўш, шу кунгача нима ўзгарди, Уюшмада қандай янгиликлар бўлди?

Биз ана шу саволлар билан Ўзбекистон Болалар ва Ўсмирлар Уюшмаси раиси ўринбосари Д. Б. РИЗАЕВАга мурожаат қилдик.

...УЛАР МАЪНАВИЯТИГА ҚАНЧА КАМ ЭЪТИБОР БЕРСАК,

**ЭРТАГА ТЕГИРМОН ТОШИ АЙЛАНИБ, УНИНГ ЗАРБАСИ МИЛЛАТИМИЗ БОШИГА
КЕЛИБ ТУШИШИ МУМКИН.**

— Ҳозирча, хурсанд бўладиган бирор янгилик йўқ. Бу билан ташкилот иши умуман ўлган демоқчи эмасман. Аксинча, комсомол, пионер деган атамалар йўқ бўлганидан кейин болалар, ўсмирлар ҳаётида бир бўшлиқ пайдо бўлгани билан тез орада ҳамма бундай ташкилотлар — улар қандай формада бўлмасин — жуда зарур эканлигини тушундилар. Бугун болалар ташкилотига зарурат бўлиб, у жойларда кизиқишларга қараб тузилмоқда.

Мисол учун биргина пойтахтдаги Юнусобод туманини олайлик. Туман ўсмирларининг умумий йиғилишида 17-мактабнинг ташаббуси билан янги ташкилот — Ўғил ва Қизлар Иттифоқи ташкил этилди. Шу тумanning ўзида 43-мактаб ўқувчилари ташаббуси билан Болалар ва ўсмирларнинг Мустақил ташкилоти, 288-мактабнинг ташаббуси билан ана шундай ташкилот Дўстлик номи билан ташкил этилди. Яна шу тумanning 17-мактабда куйи синфлар учун "Билагонлар" ва юқори синф ўқувчилари учун "Тикланиш" ёшлар Иттифоқи тузилди.

Бундай янги тузилган ташкилот ва гуруҳларнинг рўйхатини узоқ келтиришимиз мумкин. А. Икромов, Шайхонтохур каби туманларда ҳам болалар ташкилотлари янги-янги тузилиб, фаолият кўрсатишмоқда. Улар аксарияти навбатдан ташқари чақирилган сётда қабул қилинган "Асосий иш йўналишлари" бўйича иш юритишмоқда. Мен биргина пойтахтдаги туманлардан мисол келтирдим. Бундай ажойиб ишлар, тадбирлар вилоятларда ҳам давом этмоқда. Бу эса ўз-ўзидан болалар ташкилоти доимо бўлган ва доимо бўлади, деган умид пайдо қилади.

— Ташкилотнинг фаолияти яхши бўлиши учун, албатта, молиявий аҳвол ҳам яхши бўлиши керак?..

— Сиз бизнинг энг оғриқ жойимизга тегиб ўтдингиз. Шу пайтгача биз Болалар ва Ўсмирлар республика Уюшмасининг юқори органи бўлганимиз билан маблағимиз йўқлиги сабаб куйи ташкилотларга молиявий томондан кўмак бера олмадик. Бу ҳақда гапириш хатто кулгилди. Сабаби,

Уюшмани шу кунгача КТИ (БТФ) маблаг билан таъминлаб турди. Бу маблаг янги йилнинг январь ойидан бошлаб тўхтатилади. Бу эса ўз-ўзидан болалар ташкилотининг ҳалокатига олиб келади. Биз бу масала билан ҳукуматга мурожаат қилдик. Тез орада Молия вазирлигидан "Ҳомийлар қидиринг", "Ташкилотингиз аъзоларидан аъзолик бадали йиғинг" деган мазмунда жавоб хати олдик...

Бизнинг республикамиз болалар ташкилотига хос бўлган бу муаммо бошқа республикаларда ҳам бор. Аммо ҳозиргача Туркменистон, Қозоғистон, Россия ҳукумати болалар ташкилотлари ва болалар матбуотига хос бўлган бу муаммони кўриб чиқди. Улар болаларни ўз ҳимояларига — давлат қарамогига ўтказишга қарор қилишди. Биз ҳам ана шундай яхши ишлар республикамизда амалга ошади, деган умиддамиз. Зеро, бугун болалар маънавиятига қанча кам эътибор берсак, эртага тегирмон тоши айланиб, унинг зарбаси миллатимиз бошига келиб тушиши мумкин.

Д. ТУРАХМЕТОВА ёзиб олди.

АТОҚЛИ ДАВЛАТ ВА ЖАМОАТ АРБОБИ, АДИБ Ш. Р. РАШИДОВ

ТАВАЛЛУДИНИНГ 75 ЙИЛЛИГИГА

Ҳар даврнинг ўзига хос тарихий воқеалари бўлади. Вақт тўфони гирдобиди эса хатога ҳам йўл қўйилади, қилинган сара ишлар устига қора чизиқлар тортилади, яхши кишилар унутилади. Республикаимизнинг равнақи ва ривожини, ҳаёти учун хайрли, катта ишларни амалга оширган Шароф ака Рашидов номи ҳам ана шундай тўфонга учради. Унинг бажарган ишлари нотўғри деб топилди, номи қораланди.

Аммо ҳақиқат доим қарор топади. Жумҳуриятимиз ўз мустақиллигига эришгач эса Ўзбекистон учун жон куйдирган бу табаррук инсон номи ҳам оқланди.

1977 йилда давлат арбоби Шароф аканинг ташаббуси билан пойтахтда янги мактаб очилди. 15 йил давомида мактаб мустақкам билим ўчоғига айланди, кучли ўқитиш базасига эга бўлди. Бугунги кунда бу мактабда икки тилда: рус ва ўзбек

тилларида таълим берилмоқда.

1991—92 ўқув йилидан бошлаб эса бу 64-мактаб лицей-мактабга айлантирилди ва унда инглиз, ўзбек тиллари, одобнома, информатика, миллий рақслар, халқ оғзаки ижодини чуқур ўрганадиган махсус синфлар ташкил этилди. Рус синфларида ўзбек тили 1-синфдан ўқитила бошланди. Шу жумладан, 1-Тошкент Давлат медицина



Ш. РАШИДОВ НОМИ БЕРИЛДИ



олийгоҳи билан шартнома тузилиб, олийгоҳ муаллимлари мактаб ўқувчиларига дарс берадиган бўлдилар. Бу ўқувчилар химия, биология фанларини мукамал ўрганиб, келажакда шу олийгоҳ талабалигига талабгордирлар.

Бу каби таълим соҳасида жуда кўп фойдали ишлар амалга оширилаётган 64-мактабга яқинда Тошкент шаҳар ҳокимиятининг қарори билан Ш. Рашидов номи берилди. Бу қувончли хабардан кейин мактаб ўқувчилари ўз муаллимлари билан биргаликда таниқли ёзувчи ва давлат арбоби Ш. Рашидовнинг ҳаёти ва ижодига бағишланган маълумотларни тўплай

бошладилар. Ана шу маълумотлар асосида мактабда катта бурчак ташкил этилди. Деворий газеталар ва альбомлар тайёрлашди. Давлат арбоби таваллудининг 75 йиллиги тантана қилинадиган кунда бу билим даргоҳида ҳам ажойиб кеча ўтказилади.

СУРАТЛАРДА: ўз билим даргоҳларига қўйилган бу ном эгасининг ҳаётини рус синф ўқувчилари ҳам ўрганишмоқда. Гулнора опа Нуриллаева Ш. Рашидов ҳаёти ҳақида сўзлаб бермоқда.

Мактабда компьютер техникасини ўргатиш иши яхши йўлга қўйилган.

Р. АЛБЕКОВ олган суратлар.

КИЗЛАР КЎЧА КЎРКИМИ?

Тунов кунини бир юмуш билан туманимиз марказига тушган эдим. Уйга хафа бўлиб қайтдим. Мен оддий қишлоқ қизиман. Йўқ, қишлоқ қизи бўлганимдан эмас, ўзим қатори бир гуруҳ дугоналаримнинг кўчадаги юриш-туришларини, ўзларини тутишлари нобоплигидан ранжидим. Сочлари калта қирқилган, юз-кўзлари керагидан ортиқроқ бўялган, эгниларида чет элнинг қимматбаҳо кийимлари.

Кимнинг қандай кийиниши ўзининг шахсий иши-ку, дурсиз. Тўғри, мени уларнинг кийимлари эмас, мактаб ўқувчилари бўла туриб: катта кўчада ўзаро бошқа тилларда шовқин солиб сўзлашишлари, оғзиларидан ҳақоратли сўзлар ҳам чиқиб кетаётганлиги, барчанинг эътиборини жалб қилиб, хандон отиб кулаётганликлари ажаблантирди. Бу ҳам етмагандек, соддароқ кийинган қизларнинг устидан мазах қилиб кулишаётганларини кўриб, дилим вайрон бўлди.

Тасаввуримда қиз болалар кўчаларимиз кўркидек эди. Лекин юқоридаги манзаранинг гувоҳи бўлгач, фикримдан қайтдим.

Машхура ЗАРИПОВА,
Фаргона вилояти, Бағдод
туманидаги 5-мактабнинг XI-синф
ўқувчиси.

“ЧАПАҚАЙЛАР КОНКУРСИ”ГА МАКТУБ
“ЧАПАҚАЙ ЭТИКДЎЗМАН”

Менинг исми Азизжон. Навоий вилояти, Нурота туманидаги 11-мактабнинг 9-синфида ўқийман. Ёшлигимдан чапақайман. Ёдимда бор, 1-синфга қадам қўйган кезларим чап қўлда ёзганим учун ота-онамдан кўп дакки эшитганман. Лекин фойдаси бўлмаган. Ҳозиргача барча юмушларни чап қўлимда бажараман. Расм чизаман, игна, бигизларни чап қўлимда ушлаб, этикдўзлик ҳам қиламан.

Тўғриси айтсам, чапақайлигимдан бироз ийманиб юрардим. “Тонг юлдузи”да “Чапақайлар конкурси” ўтказилиши ҳақидаги хушxabарни ўқиб эса севиниб кетдим. Ва унда иштирок этишга, омадимни синаб кўришга қарор қилдим. Зудлик билан “Тонг юлдузи”га 1993 йил учун обуна бўлдим.

Азизжон ҲАЙДАРОВ.

Санъаткорлар оиласи

Алишер Юсуповнинг оиласида ҳамма санъатга қизиқади. Фарзандларнинг барчаси-Жаҳонгир, Мунис, Баҳодир ва Мадина ҳам кўшиқ айтишади, ҳам рақсга тушишади. Айниқса, катта ўғли Жаҳонгирнинг санъатга ихлоси баланд. Марғилондаги 23-мактабнинг 8-синфида таълим олаётган Жаҳонгир “Санъат байрами” вилоят кўриқларининг бир неча бор ғолиби бўлган. Унинг замонавий кўшиқлари барчага манзур.

СУРАТДА: Алишер Юсупов катта ўғли Жаҳонгир билан.

Р. АЛБЕКОВ суратга туширган.

МУҲАРРИРИЯТДАН:

Азиз ўқувчилар! Ёдингизда бўлса, газетамизнинг шу йил 6 октябрь сониди “Чапақайлар конкурси”ни ташкил этган эдик. Муҳарририятимизга чапақайлардан кўплаб мактублар кела бошлади. Мактуб муаллифлари конкурсда қатнашиш ниятида эканликларини билдириб, чап қўлда бажарган ишларидан намуналар юборишган. Тошкент шаҳри, С. Раҳимов туманида яшовчи Малика Абдумаликова ҳамда наманганлик Жасур Шералиевлар ўз ишларини биринчилардан бўлиб конкурсга тавсия этишган. Лекин, ҳар иккиси ҳам конкурсимизнинг I шартини бажармаганлар, яъни “Тонг юлдузи”га 1993 йил учун обуна бўлмаганлар. Бу албатта ғолиб бўлишларига панд беради.

Лекин ҳали ҳам кеч эмас, газетамизга обуна бўлишга уларда етарли имконият бор.

Шу ўринда “Чапақайлар конкурси”да иштирок этишни хоҳлаган болалар учун унинг шартлари ва талабларини яна бир бор эслатиб ўтишни лозим топдик:

1. Конкурсда иштирок этишни хоҳлаган ҳар бир бола “Тонг юлдузи”га 1993 йил учун обуна бўлиши шарт (Бунинг учун 1 очко қўшилади).

2. Чап қўл билан чиройли ҳуснихат ёзиш, расм чизиш, тикиш-бичиш, нақш чизиш, ўймакорлик ва ҳоказо, нимаки иш бажара олсангиз, муҳарририятимизга улардан намуналар юборинг. (Чап қўлда бажарган ҳар бир ишингизга 1 очкодан қўшилади).

3. Конкурсга тавсия этилган ишларнинг ҳақиқатан ҳам чап қўлда бажарилганлигини тасдиқловчи мактаб маъмуриятининг тасдиқномаси бўлиши шарт.

Эслатиб ўтамиз: конкурсга тавсия этилган ишлар икки ой муддат ичида, яъни 5 ОКТЯБРДАН 5 ДЕКАБРГАЧА қабул қилинади. Конкурс ғолибларини эса қуйидаги мукофотлар кутади:

I СОВРИН — болалар велосипеди.

II СОВРИН — “Смена” фотоаппарати.

III СОВРИН — осма соат.

Ғолиблар суратлари билан газетада эълон қилинади.

МАНЗИЛГОҲИМИЗ: 700083, Тошкент шаҳри, Ленинград кўчаси 32, “Тонг юлдузи” газетаси, “Чапақайлар конкурси”га.

Мактубларингизда ўзингиз ҳақингизда тўлиқ маълумот ҳамда суратингизни юборишни унутманг.



БАҲС

"Тонг юлдузи"нинг бирор сонини қолдирмай ўқиб бораман. Бу мажбурлик ё бирор мақола, шеър, ҳикоям мабодо чиқса, кўрмай қолмай деган фикрдан эмас, балки тенгдошларимнинг ижоди билан танишолмай қоламанми, деган хавотир ичида почтага югураман. Газетада эълон қилинган шеър ҳикоялардан олган таассуротларим ва эътирозларимни айтсам, фикрлашсам дейман. Зеро, адабиётни ҳам "фикрий жанрлар" майдони дейишади. Газетанинг шу йил 21-сонида Гулбахор Бобохонованинг "Дугоналар" ҳикояси чоп

Санобар баодоб яхши дугона экан, ёмон ким? Албатта, Лобар-да! Ёмонлиги кучукчаларни совуққа ташлаб кетганлигида. Савол қўяйлик: нима сабабдан Лобар шу йўлни тутди? Туб сабаблари қаерда? Шу фикрга дабдурустдан келмагандир? Ҳикояда бу хусусида сўз юритилмаган. Гуноҳкор санашдан олдин айбни тузукроқ қўяйлик... Мен умуман бу ҳикояни бўлмайдидевоқчимасман, эътирозимни билдирдим, холос. Балки бошқалар ҳам ўз фикр-мулоҳазаларини билдиришар...

ХОМ ЎРИКНИНГ ДЕГАНИ

Мен пишмаган гўраман Тишлаганинг шўриман. Ҳозирча, ҳа, шўртакман. Пишганида қантакман. Еган билиб олади, Оғзида шира қолади.

Нуриддин ЮСУПОВ, Фарғона вилояти, Тошлоқ тумани, Оқ олтин жамоа хўжалиги.

Ёмғир томчилари Югуринг тезроқ! Кутиб қолди Баҳорга сизинган майсалар.

ИСЁН

Мен денгизнинг елкаларида Кўрдим. Ухлаб ётган сабрларни.

Умидларга ишонган эдим, Тунларим ҳам алдади. Кўролмадим тушларимда ҳам У...нинг баҳорий юзини.

Бу кеча Баҳорга кирган Ўғрилар... Боқ, олма гулларин Ўғрилар... Безанар гамим бир гашликдан!

Зарифжон ҚУРБОН, Сурхондарё вилояти, Олтинсой тумани, 36-мактаб ўқувчиси.



Қилмоқчи бўлсанг-Дўстларга хурмат, Гадонинг олдини кесма. Етмоқчи бўлсанг-Вафонинг узоқ йўлига Бахтиёрлар тўлини тўсма.

"ЁЛГИЗ ҲАЁЛ ГЎЗАЛДИР"

ЧЎЛПОН

Қушлар учар бошим узра Гур-гур-гур. Ҳавас ила қарадим мен Хур-хур-хур. Ҳаёл олиб қочар узоқ Юр-юр-юр Бу ҳаётни ташлагин-эй, Бир-бир-бир. Ўша ерда умр кечир Сур-сур-сур...

Зебохон ОТАЖОНОВА.



Ўқувчи-ёзувчилар

этилган. Тузилиши содда, айнан, катталар айтмоқчи "ўқувчиларбоп". Ҳикояни ўқиш давомида қийинчиликларни кўрмайсиз, осон ўқилади ва шурунгида тўғилажак саволлар ҳикоя ниҳоясигача "қоп-қоп" бўлади. Четдан қарасангиз ҳам ўқувчибоп. Мана яқун: "Санобардан кучукчани қаердан олгансан, деб сўрашганда "Лобарларнинг ити болалаганда у совға қилган" дейди. Ҳикоя тугади. Аммо ўқувчи кўнглида мунозара давом этяптими? Агар давом этиб, маълум бир ғоя чиқарилган бўлса, қандай экан у? Менимча, (бир муштарий сифатида ҳукм чиқараяпман) Санобарнинг иши тўғри, унга суяниш мумкин, аро йўлда ташлаб кетмайди. Яхшилиқка рамаз бўла олади.

МУҲАРРИРИЯТДАН: нақл қилишларича, шеърларнинг мазмуни устида тортишаётган шогирдлари даврасига қўшилиб юзинчи маъносини Бедилнинг ўзи айтган экан. Шеърят, умуман адабиёт ҳақида тортишиш, баҳс юритиш анча чигал масала. У камалак сингари рангдор ва кўп қирраларга эга. Қай бирини олманг, албатта ундан бир неча маъно топасиз. Асарни ҳар бир китобхону шеърхон ўзича тушунади, ўзича таҳлил қилиб, ўзича баҳо беради. Акс ҳолда муаллиф ижодининг энг нозик томонлари, хусусиятию фазилати очилмай қолаверади. Шундай экан, қадрли болалар, сиз нима дейсиз!

"ГУЛХАН"ИНГДАН АЙРИЛМА

Қадрли болажонлар! Сизга яқин сирдош Гулханжон дўстингиз бу йил бозор иқтисодиети гирдобида қолиб, кўнглига қил сизмай турибди. Чунки ҳар йили шу пайтгача 200 минг, 300 минглаб ўқувчилар "Гулхан" га обуна бўлардилар-да! Дунеда дўстини йўқотишдан ҳам оғир

жудалик йўқ. Бу танқислик кунлари ҳам ўтар, лекин бир йилга 120 сўм тўлаб, "Гулхан"га обуна бўлсангиз, қанча эртақлар қаҳрамони билан дўст бўлганингиз қолар. Бир қиеслаб кўринг: оддий қоғоз халта 3 сўм, 1 қути гугурт 1 сўм 20 тийин, 1 та хатжилит (конверт) 1 сўм 80 тийин! 1992 йил

ги 60 тийинлик "Гулхан" нинг ҳар бир китобчаси учун ҳукумат 4 ярим сўмдан тўламоқда. Янги 1993 йилда эса "Гулхан" нинг таннархи ўз баҳоси 1 ойга -10 сўм, сотувда -12 сўм белгиланди. Нарх-наво шундай йўсинда ошаверса ҳар бир китобча 15-20 сўмга тушиши ҳеч гап эмас. Шу боисдан обуна бўлганлар ютқазмайди. Қурби етмаган болалар 2-3 тенгдош бирлашиб, бирга пул

тўлаб, "Гулхан" га езилсалар, навбат билан ўқишлари мумкин! Шошилинг! Вақт ўтмоқда, Гулханжон кутмоқда!

"Гулхан" индекси: 75430. Бир йилга-120 сўм, олти ойга-60 сўм, уч ойга-30 сўм.

Фарзандимиз ДИЛАФРЎЗ! 13 баҳоринг муборак бўлсин! Гулгун чехрандан табассум аримасин. Ота-онанг бахтига доимо саломат юргин. Сени қутлаб: даданг, оинг. Тожикистон жумҳурияти, Нов тумани, Саидқўрғон қишлоғи.




Кизимиз УМИДАХОН! Юешга тўлишинг билан сени чин қалбдан муборакбод этамиз. Доимо ҳаётингда бахт ва омад ҳамроҳинг бўлсин! Онанг Зулфияхон ва даданг. Бухоро вилояти, Когон шаҳри, Зирабод посёлкаси, А. Алиев кўчаси 13 уй.

Азиз фарзандимиз ХАЙИТБОЙ! 12 баҳорни қаршиладинг. Шу муносабат билан сени муборакбод этамиз. Ўқишларингда муваффақиятлар тилаб қоламиз. Отанг Раҳимжон, онанг Махбубахон, опаларинг Нилуфар ва Наргизабону, аканг Ҳасанбой, уканг Шермуҳаммад.




Суюкли набирам ХУРШИДЖОН! Ўн ешга қадам қўйишинг муборак бўлсин. Соғ-саломат бўлиб, узоқ умр кўргин. Ота-буваларинг руҳи қўлласин. Ойижонинг, амакинг, аммаларинг. Тошкент шаҳри.

Азиз фарзандимиз ГҮЛОМЖОН! Биз сени қутлуг 12 ёшинг билан табриклаб, ўқишларингда муваффақиятлар тилаймиз. Табрик ила оила аъзоларинг: Нурметовлар оиласи. Сайрам қишлоғи.



ТАБРИКЛАЙМИЗ!



Бош муҳаррир: Ақром БЕРДИМУРОДОВ.

Таҳрир ҳайъати: Г. КАРИМОВ, А. КЎЧИМОВ, М. ПИРМАТОВ (масъул котиб), М. РАҲИМБЕРДИЕВА, Д. ТУРАХМЕТОВА, В. ФАЙЗУЛЛАЕВ.

Таъсис этувчи: УЗБЕКИСТОН ЕШЛАР ИТТИФОҚИ МАРКАЗИЙ ҚУМИТАСИ

Бизнинг манзилгоҳимиз: ТОШКЕНТ ШАҲРИ, 700083, ЛЕНИНГРАД КЎЧАСИ, 32-УЙ.

Газета ҳафтанинг жума кунлари чиқади.

Маълумот учун телефон: 32-54-24

Ўзбекистон Республикаси «Шарқ» нашриёт-матбаачилик концернининг босмахонаси. Тошкент шаҳри, 700083, Ленинград кўчаси, 32-уй Чоп этиш вақти — 18.00. Буюртма № Г-27. Нашр кўрсаткичи 64503.